



Nº 8. Abril 2006.



Cartafueyu de Mocedá d'Izquierda Asturiana.
na cai

internacional >>

mias>> cola mocedá francés

mias>> espresó'l so apoyu a la mocedá francés, que tres de l'aprobación del proyectu de llei sobre "Igualdá d'Oportunidaes", qu'inclúi'l controvertíu Contratu de Primer Emplegu o CPE (Contrat Premières Embauches), **salió a la cai** a protestar, **organizóse en conceyos** abiertos nes **Universidaes** de toa Francia, y sigue güei oponiéndose frontalmente a esta reforma llaboral.



L'exemplu francés ye ún más nel conxuntu de cambeos que tán afectando a la configuración tradicional de les rellaciones llaborales n'Europa y en Mundu. La necesidá d'un **nuevu modelu** puez imponese, mas, como ta demostrando la esperiencia francesa, esti modelu nun pue facese de **llombu a los trabayadores**. El **movimientu sindical** y **estudiantil francés** dio una vegada más un exemplu de capacidá de **respuesta y movilización**. Como mínimo llogró una **primer victoria**: el modelu de rellaciones llaborales ta discutiéndose públicamente y esto, per se, ta obligando al gobiernu francés a xustificar reiteradamente les midíes adoptaes.

Dende **mias>>** facemos un llamáu a la **mocedá asturiano**, a que tea atenta énte la reforma llaboral que se ta "cociendo" nel Estáu, tamién d'espaldes a la ciudadanía. La mocedá tien que **tomar la pallabra** dende yá, faciendo saber al gobiernu que **nun vamos aceptar una reforma lliberal**, que nun vamos renunciar a los **nuevos derechos**, y que si ye precisu, como los mozos y moces franceses vamos **salir a la cai, trancar les universidaes**, y **organizaros** pa espresar la nuesa refuga, a esta globalización mal entendida, a esti

modelu lliberal que nos quieren implantar y a esta forma d'actuar, siempre de llombu a la mocedá.

Mocedá d'Izquierda Asturiana nun pasa reformes agresives pa beneficiar a unos pocos, estorsionando la mocedá y precarizando los nuestos empregos. Defendémoslo na plataforma **Stop Bolkestein** y defendémoslo xunto a la mocedá francés.

Llibertá pa los pueblos

Militantes y simpatizantes d'**IAS** y **mias>>** asistieron a les 8 la tarde del otru xueves a la **concentración** que contra la ocupación entamaren estremaos colectivos d'izquierda. **IAS** y **mias>>** nun dexaron pasar la oportunidá d'asistir a esti actu necesariu **nel que se recordaben los tres años d'ocupación d'Iraq** y nel que se vindicaba per enésima vegada la fin de la ocupación, malura de la que siguen **careciendo** mui bien de pueblos de La Tierra anguaño.



La mocedá d'izquierda **alternativa y asturiano** quixo tar presente nesta cita insistiendo na necesidá de seguir lluchando pola llibertá de tolos pueblos, pol derechu al so autodetermín. **mias>>** repartió ente la xente'l pasquín fechu pa la ocasión "**Nun ye sólo Iraq**". Los actos de llucha contra la ocupación espardiéronse nestos díes per tol planeta. **¡LLIBERTÁ PA LOS PUEBLOS OCUPAOS!**

ecoloxía >>

NON en As Veigas

Desde **Mocedá d'Izquierda Asturiana (mias>>)** manifestamos el noso rechazo al campo de golf que'l Ayuntamiento de Cuaña (goberna pol PP) quer instalar en As Veigas (Porto), á veira del ríu

Navia, cua escusa d'atraer el turismo.

El apertura de campos de golf é daqué cada vez máis frecuente en Asturias, aunque el golf siga sendo un deporte **practicao por úa minoría**, y a pesar das consecuencias negativas pral medio. En otros territorios del Estao unde estas instalacióis son inda máis abundantes, como Murcia, quedóu demostraó que nun sólo **nun crea estabilidad económica**, senón que **perxudica a os agricultores** debido a qu'un campo de golf **consume úa gran cantidá d'augua**, y esto nun conceyo nel que, a pesar de gozar de bus depósitos, nun son raros os braos nos que se restrinxen el riego, y unde lamar de xente vive da llabranza, pode ser terriblemente **negativo pra os vecíos**. Este tipo d'instalacióis tampouco nun fain el efecto chamada esperao hacia a hosteleiría llocal, xa qu'aglutinan os servicios qu'el cliente espera ellos mesmos, polo qu'a **hosteleiría cuañesa nun se verá beneficiada pol campo de golf**.



Por outro llao estas instalacióis son sempre **negativas pral medio ambiente**, pos falamos d'un campo semao de cespel que precisa de **pesticidas** (al orella del río), que consume máis augua da qu'os nosos depósitos poden dar, instalao nun terrén ampriu **eliminando toda a fauna pequena** del espacio qu'ocupa y que, ademáis, veí situarse n'úa zona nel que nun son raras as chías.

En **Izquierda Asturiana** y **Mocedá d'Izquierda Asturiana** parécenos que'l **turismo de calidá, ecolóxico** y respetuoso cua cultura y as posibilidades de cada llugar supón úa estratexa económica a tomar, en llugar d'apostar por un turismo de masas, agresivo pra col medio, a salú y as condicióis llaborales. Iniciativas como as tomadas en otros conceyos del Navia-Eo pr'atraer el turismo (como a Feria de Mostras da Veiga, a Feria del Mel en Bual, fabricación en Taramunde, noites celtas y festivales qu'atraen xente del resto d' Asturias y de fora en Castropol, El Franco, etc.) son cousas que ben

poderían ferse en Cuaña, a la par d'un **mayor apueste** pol turismo alrededor del **Castelón de Cuaña** y el **castro de Mougúas**, ou das **parroquias del interior** del conceyo. Todo eso por nun falar del apueste que'l Ayuntamiento de Cuaña tén que fer, hoi máis que nunca, pol **polígono industrial de Xarrio** y a **defensa del hospital** (defensa que'l Ayuntamiento parece esqueicer).

Desde **mias>>** reclamamos úa política turística seria, cos pés pegaos á terra y que produzca valor añadido nel conceyo, en definitiva, úa **política turística en beneficio das cuañesas y os cuañeses**.

anuncios >>

Procuradora Xeneral ¿independiente?

La designación de M^a Antonia Fernández Felgueroso como **Procuradora Xeneral** d'Asturies suena a chancia pa **Mocedá d'Izquierda Asturiana**. La persona escoyida pal cargu nun sólo nun amuesa un mínimu d'**independencia política** personal, sinón que lleva desendolcando bien d'años puestos visibles como representante del **PSOE** n'Asturies, lo que pa **mias>>** supón, una vegada más, una tomadura de pelo con toles de la llei, mentes que los sos compañeros de viaxe gubernamental, **IU-BpA**, caltienen esa bipolaridá **amenazando** con colar d'un gobiernu de coalición nel que tan enforma **cómodos**.

Nós, **mias>>**, tenémoslo bien claro: un cargu designáu supuestamente pa facer que se cuiden los **derechos** de toles asturianas y asturianos nun pue ser **otorgáu** a cualquiera. La **irresponsabilidá** d'esti gobiernu que **reprime** día a día los derechos de les asturianas y asturianos, qu'**esfarrapa** el nuesu mediu ambiente, que nun mira pa los movimientos sociales y que nos obliga a **emigrar** pa vivir dignamente ye manifiesta. **Nun quieren una Procuradora Xeneral independiente porque nun quieren que naide nos defenda de les sos propios polítiques nefastes**. Valió de dobles fondos, valió de maquillaxe pa disimular la so incompetencia. ¡Yá ta bien!

na cai >>

Faite con ún de de los 2500 exemplares de "na cai>>" que cada mes vas poder ver na Universidá, en dellos centros culturales y de mocedá, institutos... o na nuesa páxina web www.ias.as/mias

+info +semeyes +contautos
+materiales +a la izquierda:

+trabayu por Asturias

Mocedá d'Izquierda Asturiana

www.ias.as/mias >> mias@ias.as
Primo de Rivera, 1, Oficina 9. 33001 Uviéu

qué ye mias? >>

Somos un grupu de **xente mozo** que facemos por esparder una **conciencia crítica** colo que nos arrodia dende una **perspectiva asturiana y d'izquierda**. La **Ecoloxía**, la **Xusticia Social** y l'**Asturianismu** son les exes de la nuestra actividá. Actividá que tien de ser fecha por y pa la mocedá asturiano, amosando que n'Asturies somos munches/os les/os que nun tamos d'aluerdu col modelu actual, que **nun vemos con bonos güeyos "l'autonomía" ruina y emprestada que nos "regala" l'estáu español**, que **nun asumimos como igua al nuestro futuru la emigración obligada, nin la explotación de los trabayos basura**. Que **nun callamos frente a la discriminación sexista** que les moces tamos careciendo, **nin a la implantación cuasi colonial de multinacionales, nin al esfarrape del nuestro mediu ambiente...**



Trabayamos pa da-y al nuestro país otra traza. **Queremos una Asturias respetuosa col mediu, ensin xéneros, que s'enfrente a la globalización del drechos sociales y llaborales**. Una **Asturies arguyosa de la so identidá, de la so cultura y llingua**, una Asturias **soberana**, dueña del so futuru y qu'apueste pola **democracia participativa** con una ciudadanía protagonista de les decisiones que-y afecten. Una Asturias **llibre, onde la opción sexual nun seya torga pal desenvolvimientu social**. Queremos ser la mocedá que faiga por otra Asturias, la de la xusticia y la llibertá. Ente toes y toos vamos construyir la nuesa Asturias.